



# **VEUR DE DUVEL NIET BANGE!**

**(Lieber Lüagn Als Fliagn)**

**Bliedspul in vier bedrieven**

**deur**

**HANS GNANT**

**Overzet en bewarkt in algemien dialect deur**

**Ben ten Velde**

TONEELUITGEVERIJ VINK B.V.

Tel: 072 - 5 11 24 07

E-mail: [info@toneeluitgeverijvink.nl](mailto:info@toneeluitgeverijvink.nl)

Website: [www.toneeluitgeverijvink.nl](http://www.toneeluitgeverijvink.nl)

## **PERSONEN:**

**Gerard** - Dierenarts met vliegangst, gevoed vanuit het besef, dat je je aan lucht niet kunt vasthouden, digibeet en wil alles naar zijn zin hebben. Hij is gevoelig voor het behouden van zijn reputatie in het dorp.

**Lies** - Zijn vrouw, die de gewonnen vliegreis naar India vanwege de angst van haar man niet kan meemaken. Laat niet snel over zich heen lopen, maar heeft wel wat te stellen met haar man.

**Ellie** - Hun lieve, wat sullige dochter, die graag in hun plaats naar India wil vliegen met hun huisvriendin Mira.

**Mira** - De vrolijke Hongaarse huisvriendin die graag met Ellie mee wil.

**Jannes** - Vriend van Ellie, man met verstand van computers en daardoor mag Gerard hem niet. Hij probeert flink over te komen maar is dat totaal niet.

**Sjoerd** - Stijve reclamemanager van de webwinkel Pampus, die de prijsvraag heeft uitgeschreven. **(kan ook vrouwenrol zijn)**

**Karel** - Dierenliefhebber die met zijn speelgoed dieren regelmatig de dierenarts bezoekt; heeft last van plotselinge stemmingswisselingen. **(kan ook vrouwenrol zijn)**

## **DECOR:**

Het verhaal speelt zich af in een dierenartsenpraktijk. Er is een behandeltafel, een bank voor de bezoekers, een bureau met een oude PC, vitrinekasten met attributen die je in een dierenartsenpraktijk ziet en een ijskastje voor de medicijnen. Via een tuinpad met grind kom je in de praktijk, sommige korte scènes worden buiten gespeeld. De voordeur van de praktijk heeft een raampje, een deurbel en een brievenbus met een mandje waar je met je hand bij kunt.

De praktijk heeft een deur die toegang geeft tot het woonhuis.

## EERSTE BEDRIJF

**JANNES:** (*doldriest*) Jao jao jao jao jao! Ik laot mij niet veur lafaard uut maaken! Ik zal je wel bewiezen, dat ik genog lef heb um dat met je va te regelen.

**ELLIE:** Goed zo; zo mag ik 't heuren.

**JANNES:** (*gaat in postuur staan*) Ik zal zeggen, zal ik zeggen, dat 't hum dan wel niet an stiet dat ik 'n ICT'er ben en hij hielemaol niks van computers moet hebben: Ellie en ik kennen mekaore al 'n jaor. Ik hol van jullie dochter en wij willen trouwen. Of je dat nou an stiet of niet! (*zelfverzekerd*) Bij de eerste de beste gelegenheid, dat ik hum zie, zal ik hum dat zeggen!

**ELLIE:** Geweldig! Hiel goed, hiel goed zo. (*naar links achter kijkend*)

**JANNES:** Ik laot mij niet deur hum vot sturen. Hij zal nog mal staon te kieken van mij.

**ELLIE:** (*wat geluid van Gerard achter*) Nou, je huuft niet lange te wachten. Volgens mij komp e der an.

**JANNES:** (*in zichzelf*) Gloeiende garriet nog an toe. Nou al? Zo gauw haar nou ok weer niet huuft!

**ELLIE:** Zet hem op, lieverd. Jij kunt 't. Kom op, tjakkaa!

**GERARD:** (*op van links achter, met een dokterstas, die hij ergens neer zet*) Aha, kiek ies an, meneer de computergek!

**JANNES:** (*schuchter*) Goeje morgen, Gerard.

**GERARD:** (*cynisch*) En, heb jij ok al last van 'n virus, dat jij bij mij veur 'n medizien komt?

**ELLIE:** (*vlug*) Nee va, Jannes wil je wat zeggen.

**JANNES:** (*vlug onderbrekend*) Ik kom veur de computer van Ellie. Die haar wat last met 'n programma dat niet goed functioneerde.

**ELLIE:** Hè?

**JANNES:** Jao, dat soort dinger kunnen zo maor gebeuren.

**GERARD:** (*ironisch tot Jannes*) Nou dat verbaost mij niks. Wij raoken totaol de kontrole kwiet over die dinger. Zij bepaolen wat wij gaon doen. Let op mien woorden.

**JANNES:** (*onzeker*) Nou dat valt wel met, Gerard.

**GERARD:** Oh jao, dacht jij dat? En hoe zit dat dan met al die hackers. Veur je 't weet bent al je vertrouwelijke gegevens plunderd deur internetcriminelen. 't Duurt niet lange meer of je hebt 'n Russe in de tuune staon.

**JANNES:** (*onzeker*) Je moet niet overdrieven, heur. Der is allerlei safety-software om alle gegevens veilig te stellen en je kunt een back-up laten wegzetten in the cloud.

**GERARD:** (*iets heftiger*) Jij lult maor wat in de rondte met je safety-

software en de cloud? Dat is nog 't allergrootste bedrog. Gien wonder dat alles in 't Engels is. Dat doet ze zodat gien mens ter wat van begrep. Gien iene weet hoe 't precies warkt, gien iene wet waor joen gegevens precies opslaogen bent en waor je 't terugge vinden kunt. In Noord Korea bent knappe specialisten bezig um oeze westerse maatschappij te ontregelen. Levensgevaorlijk.

**JANNES:** Der is 'n massale digitale defensie optuugd um cybercrime te bestrieden.

**GERARD:** Jaojao... Daor begrep 'n gewone starveling toch niks van. En dan plunderen ze ok zo je bankrekening. Weg spaorgeld. Foetsie.

**JANNES:** Nou de banken bent hiertegen goed beschermd. Der is 'n groot aantal ICT'ers in dienst die zich daor met bezig hollen.

**GERARD:** En daorum worden der jaarlijks miljoenen, wat zeg ik, miljarden an verdwenen spaorgeld an gedupeerden terugge betaold. En iedere keer zeggen ze dat ze 't onder controle hebben. Man word ies wakker! Niks is onder controle.

**JANNES:** Nu overdrief jij wel 'n beetie.

**GERARD:** Die hele computerwereld liekt 'n zegen veur de mensheid, maor let op mien woorden: 't wordt nog ies de ondergang. Sneller dan wij allemaol denken. En daor help jij an met. Jij hebt ter zölf je beroep van maakt. ICT'er! Hol mij der over op. Ik vin dat vreselijk! Jij haaren beter schaopherder kunnen worden.

**ELLIE:** Hé va, hol nou ies op.

**GERARD:** Hij is begunt. En ik ben nog niet klaor.

**ELLIE:** Dat ben je wel. Jannes wil je wat zeggen.

**GERARD:** *(scherp)* Jij moet je der buuten hollen. *(tegen Ellie)* Wat moet jij toch met hum? Ik snap warkelijk niet wat jij in hum ziet. *(Ellie geeft Jannes achter de rug van Gerard teken, dat hij het nu moet zeggen)*

**JANNES:** Asjeblijft, Gerard, ik zol graog 'n mededeling willen doen...

**GERARD:** *(onderbrekend, met volume)* 'n Mededeling? Ik heb daor hielemaol gien behoefte an. Jij hebt hier hielemaol niks te zuuken! En op mien dochter huuf jij al helemáól niet te rekenen! Die gaf ik nog liever an de ien of andere baliekluiver, as ik 't veur 't zeggen haar.

**ELLIE:** Jij hebt daor hielemaol niks over te zeggen. Dat bepaol ik zölf wel.

**GERARD:** As je moe der bij is, zal ik ok nog iens 'n hartig woordtie met joe spreken over die zogenaomde vriend van joe.

**ELLIE:** Ben metien akkoord: moe hef naomelijk niks tegen Jannes!

**JANNES:** Ik ben van mening...

**GERARD:** Kiek ies an, meneer hef opiens ok nog 'n mening. 't Moet ok niet veul gekker worden!

**JANNES:** Messchien kunnen wij oes gesprek naor 'n ander nivo verleggen.

**GERARD:** Naor 'n ander nivo! Dat is 'n goed idee! En naor welk niveau dan, as ik vraogen mag? Ik heb 'n prachtige baon. Ik betieken warkelijk wat veur de mensheid, of liever gezegd veur de dieren. En jij? Jij bent achter je computer zunder daj der arg in hebt, bezig um de wereld naor de knoppen te helpen. Ik kan je wel vertellen, ik doe der niet an met!

**JANNES:** Dat weet ik ok wel. Moj nou ies kieken wat 'n aole computer jullie hebben. Dat is jao 'n systeem uut 't jaor nul.

**GERARD:** Daor is niks mis met. Mien MS-DOS döt 't nog prima. Meer heb ik niet neudeg.

**JANNES:** Dat dat nog bestiet. Der bent zo veul mooiere systemen. Ik wil je der best met helpen.

**ELLIE:** Jao va, gao nou ies met je tied met.

**GERARD:** Met mien tied met gaon? Waorum zol ik?

**ELLIE:** Jij bent hopeloos aolderwets.

**GERARD:** Aolderwets? Mag ik eem lachen? Moet jij ies kieken wat veur 'n bejaorde jij an de haok slaogen hebt. *(als dat van toepassing is met de spelers)*

**ELLIE:** Ik val nou ien maol op aoldere mannen. Jannes is nog hiel jong van geest. Dat kan ik van joe niet zeggen.

**GERARD:** Jong van geest, maor in 'n lief van 'n aole koe. Nee, daor word ik bliede van.

**JANNES:** Ik zol wel ies willen weten, wat dit allemaol veur zin hef?

**GERARD:** Jij moet je mond hollen. In elk geval zo veul, dat jij mien dochter nooit zult kriegen!

**JANNES:** *(wil gaan)* 't Liekt mij beter dat wij der maor met op hollen; zo'n discussie hebt we niks an.

**GERARD:** *(kwaad)* Ho, wacht eem kameraod, de discussie afbreken doe *ik!* 't lenige dat jij mag afbreken is joen verkering met mien dochter! Jij kunt maor beter gaon, veur dat ik hier ter plekke uut mien vel spring.

**JANNES:** Laot ik dan maor de verstandigste wezen.

**GERARD:** Dat zol ok ies tied worden.

**ELLIE:** Maor Jannes, jij zol toch...

**JANNES:** Laot maor, ik denk niet dat dit 't juuste moment is. Ik zie je straks wel. Ik gao naor huus. *(neusjes kroelend tegen elkaar)*

**GERARD:** Zeker met je computertje speulen. Daaaag Jannes. *(Jannes druipt af)*

**ELLIE:** Ik gao met je met. (*tegen Gerad*) Waorum moet jij toch altied zo vervelend doen? (*af*)

**GERARD:** Dat sullegie! Mien dochter giet echt niet trouwen met zo'n vent! Ik snap warkelijk niet wat zij in hum zöt. Zo'n leuke meid en nog goed bij de tied ok. Ze hef de kerels veur 't uut kiezen. Ze staon in de rij. (*stil spel van Gerard die in zijn praktijkruimte wat gaat rommelen*)

**LIES:** (*op*) Zeg Gerard, heb jij de tillefoon niet heard?

**GERARD:** Ik haar eem 'n pittige discussie met die Jannes. Wat 'n oelewapper is dat toch. Nou, daar moeten we bliede met wezen.

**LIES:** Wat ben jij toch 'n vreselijke lomperd, Gerard. En dan dat schrouwen van joe. 't Slat hielemaol nargens op.

**GERARD:** Dat is mien goed recht! In mien eigen huus mag ik schrouwen zo veul as ik wil!

**LIES:** Was 't nou per see neudeg um zo met hum umme te gaon?

**GERARD:** Aha, jij hebt oes dus afluusterd.

**LIES:** Huuft niet, want in de andere kaomer is ieder woord dat hier sproken wordt, duudelijk te verstaon, dat weet jij toch.

**GERARD:** Zal mij ok worst wezen! Ik vertik 't um mij de wet te laoten veurschrieven deur zo'n druilloor!

**LIES:** Doe asjebliedt normaol, jao. En luuster eem naor mij. An de tillefoon was 'n zekere meneer Sjoerd.

**GERARD:** Ken gien zekere meneer en al hielemaol gien Sjoerd. Wat wol e?

**LIES:** Hij kwam nogal vrömd over, eerlijk gezegd. Eerst wol hij je persoonlijk spreken en toen ik hum vreug um laoter nog maor ies terugge te bellen, zee hij, dat hij in de buurt was en metien langes zol kommen. Hij haar 'n persoonlijke boodschap veur joe.

**GERARD:** Persoonlijk? Dat ruukt naor ambtenarij of oplichterij.

**LIES:** Hij zee ok nog, dat jij beheurde tot de kring van meer dan honderdduuzend kanshebbers en dat jij tegeliekertied ien van de weinige uutverkorenen was.

**GERARD:** (*cynisch*) Vraag mij af waarop ik, zunder 't zölf te weten, 'n kanshebber veur zol wezen.

**LIES:** Die Sjoerd haar 't er ok nog over, dat oes leven binnenkort enorm zal veranderen en dat oes 'n onvergetelijke verrassing te wachten stiet.

**GERARD:** Ik heb 'n hekel an verrassings.

**LIES:** En der schöt mij nóg wat te binnen. Hij haar 't ter ok nog over, dat 't ien en ander 'n gevolg is van joen inzending bij de firma Panters.

**GERARD:** Panters? Ken ik niet.

**LIES:** Of iets dergelijks. Ik kun 't allemaal niet goed verstaon deur jullie.

**GERARD:** (*nadenkend*) Panters... (*plotseling*) Pampus! Kan 't soms Pampus west wezen?

**LIES:** Zol ok kunnen.. Jao, Pampus... Maor dat is toch oeze belastingadviseur?

**GERARD:** Klopt. En deur hum heb ik 'n verzoekschrift bij de belastingdienst in laoten dienen.

**LIES:** Dat kan maor zo met mekaore te maoken hebben.

**GERARD:** (*peinzend*) In dat geval ben ik inderdaod ien van die meer dan honderdduuzend kanshebbers van wie heur verzoek in willigd wordt.

**LIES:** En jij bent ien van de weinige uutverkorenen!

**GERARD:** (*cynisch*) Zal wel, jao, Maor waarom moet hij dan langes kommen. As mien verzoekschrift inwilligd was, dan zol Pampus mij allang beld hebben. Ik weet al wat ter gaonde is. Jao, dizze jongen wet 't wel! Uutverkorenen nuumen ze bij de belasting luu, waor as ze steekproeven gaon nemen. Jao heur, en die worden dan uitknepen as 'n citroen! Dat is die onvergetelijke verrassing die oes te wachten stiet, dat wij 'n belastingcontroleur over de vloere kriegen die oeze hiele administratie op de kop zal zetten.

**LIES:** Dat zal 'n papieren bende worden. Haar jij 't nou maor op je computer staon.

**GERARD:** Dat haar jij nou niet moeten zeggen.

**LIES:** Jij bent hopeloos aolderwets.

**GERARD:** Ik wil 't ter niet over hebben.

**LIES:** Nou jao, dat is dan toch ok nog wel te overleven, neem ik an.

**GERARD:** Dat denk jij, jao. As je maor weet, dat van die heren controleurs verwacht wordt dat ze heur salaris zölf verdienen deur 't uut kniepen van hardwarkende burgers.

**LIES:** En dat zol dan veur oes 'n onvergetelijke verrassing moeten wezen?

**GERARD:** As ik de bak in drei, zal dat inderdaod 'n onvergetelijke verrassing wezen.

**LIES:** (*verontrust*) Dat kan toch niet? Heb je dan echt zo'n slecht geweten?

**GERARD:** (*honend*) Wie kan 't zich veroorloven tegenover de belasting 'n goed geweten te hebben? Denk maor ies an Jan Berends! Eerst kreeg hij gewone controle en daornao stuurden ze hum de fiscale recherche op zien dak. En allent, umdat hij drie jaor lang de btw in zien eigen buutse stoken haar, mus hij drie keer zo veul betaolen as boete of de bak in.

**LIES:** En ik dacht, dat ze niks bij hum vonden haaren.

**GERARD:** Klopt. Hij haar zien hiele boekholding vot gooid.

**LIES:** Maor jij hebt de spullen toch zeker nog?

**GERARD:** Jammer genug wel jao. De fout van de belasting is, dat die lapzwansen oeze handel as 'n goedlopend bedrief zien. En dat ze van alles onder taofel toe schoven kriegen. Dierenartsen hebben niet ies geld veur 'n fatsoenlijke taofel. (*ijsberend*)

**LIES:** Die kleine betaolings? Daor komen ze vast niet achter.

**GERARD:** Controle! As ik 't woord al heur! 'n Regelrechte schande is 't, um zo maor an te nemen, dat je de zaak oplicht.

**LIES:** Rustig maor.

**GERARD:** Laot ze maor ies bij die hoge heren gaon controleren. Hoe die an heur miljoenen kommen. Maor ik zweer 't je: van mien zoer verdiende centen blieven ze af. Ze kriegt nog gien euro van mij!

**LIES:** (*smekend*) Alsjeblieft Gerard, wacht nou toch eerst ies af tot die Sjoerd ter is.

**GERARD:** (*gaat op de bank zitten*) 't Verstandigste is geleuf ik um mij ziek te hollen. Dan hebt ze messchien medelieden. Weej wat? Haol snel veur mij 'n kussen en 'n deken!

**LIES:** As jij denkt, dat 't helpt...

**GERARD:** En breng ok wat te knabbelen en 'n goeje flesse wien.

**LIES:** Ik dacht dat jij ziek was?

**GERARD:** 't Is niet veur mij, maor veur die controleur, of veur die aasgieren van de fiscaole recherche. Ik weet niet wie ze 't eerst sturen. Maor wat te eten en drinken döt 't vast wel goed bij dat volk.

**LIES:** (*cynisch*) En dat is zeker 't bewies veur 'n zuuver geweten? (*af*)

**SJOERD:** (*op*) Meneer Vonder, mag ik an nemen?

**GERARD:** Jao, dat mag gerust. Zeg maor Vonder of Gerard.

**SJOERD:** Sjoerd is mien naam.

**GERARD:** (*in zichzelf*) Kiek ies an, daor hebt we Sjoerd. Nog nooit van mien leven zien. (*roept in deur links*) Lies, waor blef mien deken? (*tot Sjoerd*) Ik ben naomelijk ziek moej weten.

**SJOERD:** O, dat spiet mij veur joe. Tis toch niet ernstig?

**GERARD:** Nou, dat valt best tegen heur. (*in deur links*) Lies, waor blief je nou met die deken en de happies veur meneer Sjoerd?

**SJOERD:** O nee Vonder doe asjeblieft gien meuite veur mij! Ik heb niet veul tied neudeg! Joen echtgenote hef joe al ien en ander verteld. Neem ik an?

**GERARD:** Jao jao, dat hef ze, hiel vluchtig. Ie bent de man die beld hef?

**SJOERD:** Precies. Van Pampus.

**GERARD:** Ie hebt beld vanuut Pampus?



**SJOERD:** Nee, ik ben van de firma Pampus.

**GERARD:** Pamphuus.

**SJOERD:** Nee, Pampus, de webwinkel veur elk artikel daj maor wenst: (*gedragen*) Van canapé tot TV. Pampus is zonneklaar, de webwinkel voor hem en haar. Het bedrijf dat voor de tevreden klant, levert in het hele land. Pampus is op ieders lip en in heel Nederland een begrip! Van Terneuzen tot Winschoten, Pampus is werkelijk verre van kloten. Vandaag besteld en morgen in huis, voor u als... mens of hond of muis.

**GERARD:** (*onderbrekend*) Ho ho, stop ies eem. Wie ben jij eigenlieks?

**SJOERD:** Reclaomemanager van de firma Pampus. Van canapé tot TV...

**GERARD:** (*onderbrekend*) Stop! Zet die plaot nou eerst maor ies af! Vertel mij liever wat jij van mij wilt.

**LIES:** (*op met een deken, en een dienblad met zoutjes/hapjes en een fles wijn*) Kiek ies wat ik allemaol met nomen heb... Ah, ik zie dat oeze gast al an kommen is. (*tegen Gerard*) En, giet 't weer 'n beetie?

**GERARD:** Met mij is 't nog nooit zo goed gaon. En dat breng jij metien weer terugge. En rap 'n beetie!

**LIES:** Hè, ik begriep je niet.

**SJOERD:** (*maakt een buiging voor Lies*) As ik mij eem mag veurstellen: Sjoerd is de naam. Wij hebt al eem praot deur de tillefoon. En veur alle duudelijkheid: ik ben reclaomemanager van de firma Pampus, van canapé tot TV, Pampus is zonneklaar, een begrip voor hem en haar....

**GERARD:** Ophollen, heb ik zegd. Lies breng dit maor weer terugge

**LIES:** Maor....

**GERARD:** Nou! (*Lies af*)

**SJOERD:** Maor ik begriep 't niet....

**GERARD:** (*heeft een scalpel van tafel gegrepen*) Doe maor je best um 't wel te begriepen want aans giet ter hier zo metien 'n bedrieffsongeval plaots vinden. (*Sjoerd grijpt geschrokken naar zijn hals*)

**SJOERD:** Maor Vonder, ik heb zo'n donkerbroen vermoeden, dat ie niet snapt waarom ik hier ben. Man, man ie bent ien van de weinigen die uutverkoren is! (*pakt zijn lpad*)

**GERARD:** (*honend*) Uut 'n adressenbestand prikt, ik ken dat wel. En nou wil jij mij ien of ander prul an praoten, dat ik niet neudeg heb! Ik koop niks, is dat begrepen? En wat bestellen doe ik net zo min. Ik huuf niks van de webwinkel, kan overal wel terechte.

**SJOERD:** (*rustig*) Maor Vonder, ie hebt joen gegevens jao zölf op oeze website invuld. Dat kuj je toch nog wel herinneren.

**GERARD:** Ik. Op joen website? Bej hielemaol gek worden? Ik moet niks van websites hebben. Zal ik joe ies wat vertellen ik gebruik dat woord niet iens. Veur mij is dat 'n webstee.

**SJOERD:** Webstee, vooruit dan. Maor, ie hebt joen naam en adres opgeven toen ie met daon hebt an oeze priesvraag. 't Gung der um vast te stellen hoe veul mitwarkers in oeze onderneming warkt. En hier stiet joen antwoord: 243. En dat klopt hielemaol.

**GERARD:** Maor ik ben nog nooit op joen webstee west. Ik zol wel gek wezen. Ik weet niet iens hoe dat warkt. Laot staon dat ik met daon zol hebben an 'n priesvraag.

**SJOERD:** Oei, dat zol dan toch barre jammer wezen, want op dizze inzending is naomelijk ien van oeze hoofdpriezen vallen. 'n Veertiendaogse gehiel verzorgde reis veur twee personen naor 't prachtige India.

**GERARD:** Wat zeg jij mij daor? Hebben wij 'n reis wonnen?

**SJOERD:** Jao, ie bent de inzender van 't goeje antwoord.

**GERARD:** (*roepend*) Lies, breng votdaodelijk de happies. En de wien!

**SJOERD:** (*op kaart doelend*) Kuj je 't nou weer herinneren?

**GERARD:** Natuurlijk! Dat hef mien vrouw daon. Uut mien naam natuurlijk. Wat stom dat ik daor niet metien an dacht heb. Jao, ik herinner 't mij weer hiel goed! Wij hoopten hiel arg dat wij dizze pries zollen winnen.

**SJOERD:** (*dwepend*) Moej joe ies veurstellen: 'n reis naor New Dehli.

**GERARD:** Ik dacht dat jij India zee.

**SJOERD:** Natuurlijk! Met 'n dagtocht naor de Taj Mahal en van daor naor Benares, over de Ganges.

**GERARD:** (*roept ongeduldig*) Lies, waor blief je nou met de wien en de eterij?

**SJOERD:** Vandaor naor Kathmandu, langs de Mount Everest, tot an de Chinese grens en dan weer umme naor Mumbai.

**LIES:** (*op met dienblad*) Ik ben je sloof niet.

**GERARD:** (*enthousiast*) Lies, wij hebben 'n reis wonnen! Veertien daogen naor India! Moej nao gaon!

**LIES:** (*perplex*) Hoe bestiet 't, al jaoren doe ik met an van alles en nog wat, maor ik heb nog nooit wat wonnen.

**SJOERD:** Zo zie je maor weer! Met Pampus zit u altijd goed, van speelgoed tot beddengoed in overvloed.

**GERARD:** Veertien daogen, Lies! En dan ok nog langs de Mount Everest, bij de Chinese muure even wat te eten haolen en daornao

via Mumbassie terug!

**SJOERD:** *(hen beiden een hand gevend)* En bij deze wil ik natuurlijk de eerste wezen um joe van harte te fielsiteren!

**LIES:** *(op het dienblad doelend)* Maor dat moet ie met oes vieren met 'n lekker glassie wien en wat te knabbelen.

**SJOERD:** *(plaatsnemend)* Der is nog wel eem 'n kleinigheid af te wikkelen. *(haalt ondertussen wat papieren uit zijn tas)*

**GERARD:** *(zijn gezicht betreft)* Haar ik 't niet dacht. 't Was ok te mooi um waar te wezen. Net of ze je zo'n sprookjesreis zo maor veur niks in je schoot gooien. Nee, nu kommen eerst de koopverplichtings. Ik zee 't jao, tis net as bij 't programma Opgelicht!

**SJOERD:** Maor Vonder, luuster nou toch ies eem.

**GERARD:** Ok nog luusteren? Dat dacht ik dus niet. Lies, jij hebt natuurlijk vergeten de beruchte kleine letterties te lezen. Vuul jij de bui al hangen? *(op dienblad doelend)* Votdaodelijk op ruumen. *(tot Sjoerd)* En jij moet maoken daj hier vot komt. En rap 'n beetie. Aans kuj 'n nei gebit an schaffen.

**LIES:** *(kwaad met dienblad af in links)* Heb ik nog nooit van mien leven met maakt. Je reinste oplicherij. Daor zol de plietsie toch...

**GERARD:** *(tot Sjoerd, woest)* En? Ben jij niet van plan um te vertrekken?

**SJOERD:** *(bezwerend)* Asjebliedt Vonder, win joe asjebliedt niet zo op. Der is hielemaol gien spraoke van kleine letterties. De firma Pampus döt zuks wat niet.

**GERARD:** *(verward)* Nou begriep ik ter hielemaol niks meer van.

**SJOERD:** *(hem een formulier voorlegend)* Kiek, hier stiet 't zwart op wit. An 't winnen van dizze reis is gien enkele verplichting verbonden en wordt volledig, zunder bijkommende kosten, afwikkeld deur reisbureau Exact.

**GERARD:** Gien enkele verplichting?

**SJOERD:** Gien enkele.

**GERARD:** Gien adderties under 't gres?

**SJOERD:** Gien enkele.

**GERARD:** Ok gien piere?

**SJOERD:** Gien enkele.


**GERARD:** *(roept in deur)* Lies, drank en knabbelties kunnen weer naor binnen.

**LIES:** *(op zonder dienblad)* Jao zeg, jij kunt mij wat. Je haolt 't zölf maor en jij mag wel ies wat liever tegen mij doen.

Als u het hele stuk wilt lezen dan kunt u via [www.toneeluitgeverijvink.nl](http://www.toneeluitgeverijvink.nl) de tekst bestellen en toevoegen aan uw zichtzending.

Voor advies of vragen helpen wij u graag.

 [info@toneeluitgeverijvink.nl](mailto:info@toneeluitgeverijvink.nl)

 072 5112407



**“Samenspelen” is ons motto**